

**Inatsisartut akitsuutit il.il. pillugit inatsisaasa ilaasa allanngortinnerat pillugu inatsisartut inatsisaat nr. 14, 2. november 2006-imeersoq. (Akileraaruserinerup qitiusumiit ingerlanneqalernerata kinguneranik allannguutit aamma nakkutilliinermut maleruagassat erseqqissaateqarfigineri) Atuussimasoq (Historisk)**

**§ 1**

Nioqputissanik eqqussuineq annissuinerlu pillugit Inatsisartut inatsisaanni nr. 18, 30. oktober 1992-imeersumi, Inatsisartut inatsisaatigut nr. 3, 13. maj 1993-imeersukkut, Inatsisartut inatsisaatigut nr. 3, 3. marts 1994-imeersukkut, Inatsisartut inatsisaatigut nr. 16, 3. november 1994-imeersukkut aamma Inatsisartut inatsisaatigut nr. 8, 6. november 1997-imeersukkut allanngortinneqartumi makku allannguutigittinneqarput:

1. Inatsimmi tamarmi oqaaseq: "Akileraartarnermut Pisortaqaarfik" allanngortinneqarpoq ima: "akileraaruseriffik".

2. § 24, atorunnaarsinneqarpoq.

3. § 29, imm. 1, imatut oqaasertaqassaaq:

"Suliffeqarfiit umiarsuartigut timmisartutigullu angalasunik assartuussisartut, imaluunniit angalassissutip ingerlatitsisua, nakkutilliinerup suliarineqarnissaanut pisariaqartinneqarlutik paasissutissiinerit aamma takussutissiisinaanermut pisussaaffeqartitsineq, matumani ilanngullugit angalassissutip suussusaanik paasissutissiissallutik, inuttat, ilaasut aamma taakku nassataasa nalunaarsorneqarnerinik paasissutissat aammalu usigisat pillugit paasissutissiinerit pisussaaffigivaat, taamatuttaarlu usiisiviit, init aammalu ilitsiviit takuneqarnissaannut, ammarneqarnissaannut iserfigineqarnissaannullu periarfissiissallutik. Akileraaruseriffiup eqqartuussivinnit aalajangiinertaqanngitsumik takusaqarumalluni, ammaaqqusilluni imaluunniit tamakku iserfigineqannginnissaanik peqqusilluni piumasaqarsinnaavoq taakkuninngalu misissuilluni".

4. § 29-imi, imm. 2-tut nutaatut ilanngunneqassaaq:

" Imm. 2. Imm. 1-imi suliffeqarfiit taaneqartut aamma suliffeqarfiit imm. 1-imi suliffeqarfinnik taaneqartunut ininik atuisinnaatitsisut, akileraaruseriffiup sutigulluunniit peqqusineratigut pisussaaffeqarput nakkutilliinermut atatillugu paasissutissanik pisariaqartinneqartunik sunilluunniit tunniussissallutik. Akileraaruseriffiup taamaasiornikkut piumasarinnaavaa qarasaasiatigut paasissutissanik toqqaannartumik elektroniskiusunik takusaqarumalluni aallersinnaanissaminik".

Imm. 2-miit imm. 4-mut tamatuma kingorna imm. 3-imiit imm. 5-inngussapput.

5. § 45 imatut oqaasertaqassaaq:

" § 45. Kinaluunniit aalajangersakkani § 1, § 29, imm. 1, 2 aamma 4, § 30, imm. 1-imiit imm. 3-mut, § 32, imm.2 aamma § 34-imi malinninngitsoq akiliisitsinikkut pineqaatissinneqassaaq.

Imm. 2. Kinaluunniit § 29, imm. 5 malillugu peqqussummik malinninngitsoq akiliisitsinikkut pineqaatissinneqarsinnaavoq".

6. § 33, § 34, §36 aamma § 43 atorunnaarput.

## § 2

Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, ilaatigut Inatsisartut inatsisaatigut nr. 10, 11. november 2000-imeersukkut aammalu kingullermik Inatsisartut inatsisaatigut nr. 13, 7. november 2003-meersukkut allangortinneqartumi makku allannguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allangortinneqarpoq ima: "akileraaruseriffik".

2. § 1, imm. 1, nr. 21, litra e-mi, aamma § 1, imm. 1, nr. 26, litra e-mi: "2 pct." allangortinneqarpoq ima: "1 pct.".

## § 3

Pappiaqqanik nalilinnik naqissusiinermi akitsuut pillugu Inatsisartut inatsisaanni nr. 8, 31. oktober 1987-imeersumi, ilaatigut Inatsisartut inatsisaatigut nr. 14, 30. oktober 1992-imeersukkut allangortinneqartumi, aamma kingullermik Inatsisartut inatsisaatigut nr. 2, 20. maj 1998-imeersukkut allangortinneqartumi makku allannguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allangortinneqarpoq ima: "akileraaruseriffik".

2. § 22a aamma § 23, imm. 3 aamma 4 atorunnaarsinneqarput.

## § 4

Eqquiniaasitsinermi akileraarutit pillugit Inatsisartut inatsisaanni nr. 7, 31. oktober 1987-imeersumi, ilaatigut Inatsisartut inatsisaatigut nr. 5, 9. april 1992-imeersukkut allangortinneqartumi, Inatsisartut inatsisaatigut nr. 3, 12. juni 1995-imeersukkut aamma kingullermik Inatsisartut inatsisaatigut nr. 4, 27. marts 2006-imeersukkut allangortinneqartumi makku allannguutigitinneqarput:

1. § 3, imm. 1-imi aamma 2-mi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 3, imm. 5 atorunnaarsinneqarpoq.

## § 5

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Inatsisartut inatsisaanni nr. 20, 30. oktober 1992-imeersumi, kingullermik aamma Inatsisartut inatsisaatigut nr. 3, 27. marts 2006-imeersukkut allanngortinneqartumi makku allannguutigigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 7, § 8 aamma § 9 atorunnaarsinneqarput.

## § 6

Qamutit motorillit akileraarutaat pillugit Inatsisartut inatsisaanni nr. 3, 16. juni 1987-imeersumi, kingullermik aamma Inatsisartut inatsisaatigut nr. 7, 11. november 2004-meersukkut allanngortinneqartumi makku allannguutigigitinneqarput:

1. § 6, imm. 1-imiit 3-mut oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

## § 7

Aningaasanik ikisilluni pinnguaatinut akileraarut pillugu Inatsisartut inatsisaanni nr. 3, 17. maj 1990-imeersumi, kingullermik aamma Inatsisartut inatsisaatigut nr. 15, 7. november 2003-meersukkut allanngortinneqartumi makku allannguutigigitinneqarput:

1. § 14, imm. 2-mi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

## § 8

Raajanut akitsuutit pillugit Inatsisartut inatsisaanni nr. 20, 25. oktober 1990-imeersumi, kingullermik aamma Inatsisartut inatsisaatigut nr. 19, 11. december 2003-meersukkut allangortinneqartumi makku allanguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allangortinneqarpoq ima: "akileraaruseriffik".

2. § 10, imm. 1-imi peerneqarpoq:

", § 8, imm. 2 naapertorlugu pillaatitut ernialiunneqarsinnaasut ilanngullugit,".

3. § 8, imm. 2, § 10, imm. 2-miit 4-mut, § 11, § 12 aamma § 13, atorunnaarsinneqarput.

4. § 15, imm. 1-imi peerneqarpoq:

"kiisalu akitsuummumut akiliinngitsoortitsisinnaallutik imaluunniit annikilliliisinnaallutik, pissutsit immikkut illuinnartut tamanna pisariaqartippassuk".

5. § 16 aamma § 17 atorunnaarsinneqarput.

## § 9

Pisassat akileqquneqartarnerannik akiliisitsiniartarnermillu kommunit suleqatiginnerat pillugu Inatsisartut inatsisaanni nr. 4, 12. maj 2005-imeersumi makku allanguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allangortinneqarpoq ima: "akileraaruseriffik".

## § 10

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3, 2. maj 1996-imeersumi, Inatsisartut inatsisaatigut nr. 3, 12. maj 2005-imeersukkut allangortinneqartumi makku allanguutigitinneqarput:

1. § 5 imatut oqaasertalerneqarpoq:

" § 5. Akileraarutitut akiliutaavallaarsimasut utertinneqarneranni kommunit utertitsivigineqartup akileraarutitut, utertitassanngorlugit ikiorsiissutitut, pilersuisussaataitanermut akilersuutitut siumoortumik tunniunneqartartunut aammalu kommunit inuussutissarsiutitigut suliffeqarfinnut aningaasatigut attartortissimasaannut akilernerneqartussanngoreersimagaluartunut akiligassarisaanut naapertuuttunik ilanngartuisinnaatitaapput.

Imm. 2. Akileraaruseriffiup ilanngartuisoqarsimanera akileraartartumut nalunaarutigissavaa."

2. § 9-imi "Akileraartarnermut Pisortaqarfiup" allangortinneqarpoq ima: "akileraaruseriffiup".

**§ 11**

Inatsisartut inatsisaat 1. januar 2007-imi atortuulissaaq.

Namminersornerullutik Oqartussat, ulloq 2. november 2006

Hans Enoksen

/

Josef Motzfeldt